

tijt ouer my ghegheuen hijr om moet  
ich dyt mytten wercken veruullen  
op dat die hellighe ppheten waer wor-  
den gheuonden die dit van my ghe-  
secht hebn. **H**ijr mede ghenck mag-  
dalena vanden heren myt suchte en  
schreyen totter reyner maghet marie  
ende sprack aldus toe hoer **D** vrouwe  
ich mach leyder by minen heren niet  
schaffen. meer du o moeder gantk toe  
hem ende bidde hem dat hiē veruulle  
dijn begheerte op dat onse wille ver-  
treghen worde **D**aer seten sie beyde  
maria die moeder Jesu en magdale-  
na die ene teghen den ander en wtgo-  
ten yamerlick tinnen en schreyde toe  
strijde **D**at ghebeer hoer yamerlike  
woerden mochten allen mensche of  
fermen inden hemel en inder eerden  
**D**oe stont op die reyne maghet van  
wonen en ghenck toe horen lieue soe-  
ne en sprack myt liefliken woerden  
als sie mochte **D**ie dit is dat lichtam